



ԲԱՐՁՐԱԳՈՒՅՆ ԴԱՏԱԿԱՆ ԽՈՐՀՐԴԻ ԱՇԽԱՏԱԿԱԶՄ
ԴԱՏԱԿԱՆ ԴԵՊԱՐՏԱՄԵՆՏ

0009, ՀՀ, ք. Երևան, Կոռյունի 15/1, 010 511 773, www.court.am

№ ԴԴ-3-Ե- 2996

« 10 » ապրիլի 2023թ.

ՅԱՍՈՆ ՍՊՈՒԻ ՏՆՕՐԵՆ Տ. ԽՈՒՐՇՈՒԴՅԱՆԻՆ

Սույնով ծանուցվում է, որ Դատական դեպարտամենտի կարիքների համար տպագրական և առաքման ծառայությունների ձեռքբերման նպատակով կազմակերպված «ԴԴ-ԷԱՃԾՁԲ-23/02» ծածկագրով գնման ընթացակարգի հայտերի բացման և գնահատման նիստի ընթացքում գնահատող հանձնաժողովի կողմից առաջին տեղը զբաղեցրած մասնակցի հայտի գնահատման արդյունքում Ձեր կողմից ներկայացված հայտում արձանագրվել են հրավերի պահանջների նկատմամբ հետևյալ անհամապատասխանությունները.

1. ներկայացված հայտում առկա էլեկտրոնային աճուրդին մասնակցելու դիմում-հայտարարությունը (Հավելված 1) կազմված չէ հրավերով սահմանված պայմաններին համապատասխան, մասնավորապես՝

- դիմում-հայտարարության երրորդ նախադասությունում նշված չէ մասնակցի էլեկտրոնային փոստի հասցեն,

- դիմում-հայտարարության 1)-ին կետում ներառված չէ «ԴԴ-ԷԱՃԾՁԲ-23/02» ծածկագրով ընթացակարգի հրավերով սահմանված մասնակցության իրավունքի պահանջներին մասնակցին փոխկապակցված անձանց տվյալների համապատասխանության մասին հավաստումը:

2. Յասոն ՍՊՈՒԻ հայտով ներկայացված էլեկտրոնային աճուրդին մասնակցելու դիմում-հայտարարությունում (Հավելված 1) նշված է, որ Յասոն ՍՊՈՒԻ-ն հանդիսանում է **Հայաստանի Հանրապետության ռեզիդենտ**: «ԴԴ-ԷԱՃԾՁԲ-23/02» ծածկագրով գնման ընթացակարգի հրավերին կից ներկայացված՝ ««ԴԴ-ԷԱՃԾՁԲ-23/02» ԾԱԾԿԱԳՐՈՎ ԷԼԵԿՏՐՈՆԱՅԻՆ ԱՃՈՒՐԴԻ ՇՐՋԱՆԱԿՈՒՄ ԻՐԱԿԱՆ ՇԱՀԱՌՈՒՆԵՐԻ ՎԵՐԱԲԵՐՅԱԼ ՀԱՅՏԱՐԱՐԱԳՐԵՐԻ ՆԵՐԿԱՅԱՑՄԱՆԸ ՎԵՐԱԲԵՐՈՂ ՊԱՀԱՆՋՆԵՐ»-ով (այսուհետ՝ հայտարարագրերի ներկայացմանը վերաբերող պահանջներ) սահմանված է, որ **ՀՀ ռեզիդենտ հանդիսացող մասնակիցը** հայտով պետք է ներկայացնի **միայն** «Իրավաբանական անձանց պետական գրանցման, իրավաբանական անձանց ստորաբաժանումների, հիմնարկների և անհատ ձեռնարկատերերի պետական հաշվառման մասին» օրենքի համաձայն՝ **իրավաբանական անձանց պետական ռեզիստրի գործակալությունում գրանցած՝ իր իրական շահառուների վերաբերյալ տեղեկություններ պարունակող կայքէջի հղումը**, մասնավորապես՝ հրավերով նախատեսված **Հավելված N 1.3-ը**, սակայն Յասոն ՍՊՈՒԻ-ի կողմից ներկայացված հայտում **բացակայում է Հավելված N 1.3-ը**:

Յասոն ՍՊՈՒԻ-ի կողմից հայտով ներկայացվել է իրական շահառուների վերաբերյալ հայտարարագիր՝ համաձայն Հավելված 1.2-ի, ինչը չի համապատասխանում հայտարարագրերի

ներկայացմանը վերաբերող պահանջներին, մասնավորապես՝ հիշյալ պահանջների համաձայն՝
Հավելված N 1.2-ը ներկայացվում է **ՀՀ ռեզիդենտ չհանդիսացող** մասնակցի կողմից:

Վերոգրյալով պայմանավորված և հիմք ընդունելով ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը, ինչպես նաև «ԴԴ-ԷԱՃԾՁԲ-23/02» ծածկագրով գնման ընթացակարգի հրավերի ՄԱՍ I-ի 8.11 կետը՝ առաջարկվում է մինչև սույն թվականի **ապրիլի 11-ը ներառյալ** eaction.armeps.am համակարգի միջոցով շտկել վերոնշյալ անհամապատասխանությունները:

Միաժամանակ հայտնվում է, որ սահմանված ժամկետում արձանագրված անհամապատասխանությունները չշտկելու դեպքում Ձեր հայտը կգնահատվի անբավարար և կմերժվի:

**ՂԵՎԱՎԱՐԻ ՖԻՆԱՆՍԱՏՆՏԵՍԱԿԱՆ
ՀԱՐՑԵՐՈՎ ՏԵՂԱԿԱԼ**



ԱՐԵՆ ՄԵՍՐՈՊՅԱՆ